

MARI BEG A ROG HA FRI PARTOUT

Var ton : *Son an dançou.*

Mar oc'h eus c'hoant, va mignonet, d'a anveout eur vreg rog,
 Me o kunduo, pa guerfet, dirag Mari beg a rog,
 Bemde var dro eun heur anter e cluc'h var treujou e dor,
 Kerkent teodou pig ar c'hartier gant eur skaoun pe eur gador
 A zired oll en e c'hever; an audianç so digor,

Var barlen Mari e veler eur pes fouldren assied,
 Var bini e cont pep kommer kement e deus inventet;
 Klevet a rêr pet den lipous a ya bemde d'ar c'hafe,
 Pet plac'h e deus tri amourous, ha pet a zo stad enne:
 Pet ozac'h a zo mewier, ha pet a bil o grague.

Mari beg a rog a gommand var ar c'honseil divragou,
 Eb kaout an nebeuta damant e tigor franck e guenou,
 Pa ne devez var e bizach na moustachou na baro
 E red dêi kaout an avantaj da zikrial tud ar vro,
 Guévier, sotoui, kos langach, flud a bep kalite zo.

Mari beg a rog so tiuret vel an huella noblanç,
 Dommaj é n'en d'ê ket pried d'eun den pinvidik a Franç;
 I é princes an diegi, comtes al liboudennou;
 I é dukes al loustoni, marquises ar strakellou;
 Gouarneres ar jolori, baronez ar pillou,

Kerkent a ma ve imbannet daou den yaouank da zimi,
 E ve, d'al lun vintin, galvet e c'honseil bras gant Mari;
 Pep konseiller en gueleden a boagu gant e vouton bêr,

Evit klask ar guellan moyen da derri pront an affer.
Ar plac'h a gar ar jigoden , pe ar goas a ve mêvier.

Ar re voassa da zikrial an dud a ya en fortun ,
A zo , evit an ordinal , merc'hed chommet eb nikun ;
Merc'hed kes chommet da goza eb tapout eun tamik goas,
Hac a gommanç brêma facha, dre ma ne deu den d'ho choas,
Couskoude an hini gossa n'ê ket tri-uguent vloa c'hoas.

Kerkent ha ma vel eun eured o tont varzu an Ilis ,
Mari beg a rog a zired en manchou lous e hinvic ;
Evel eur vioc'h ho vreskin e c'haloup abiou ar ru ;
Holà ! Catel, Jeannet, Perrin, Soas, Mac'harid, deut dious-tu.
Cetu aman eured Martin, deut da dremen ar rêvu.

Va c'hommer sellit eus hounes , dislivet e davancher
E c'horneten zo eb ampes , hac e gueleden re vër ;
Ho ! sellit-ta eus an den-man , pegen striz ê e vragou.
E dog so brassoc'h evitan ; ha kals re hir e voutou ,
Eur chimizeten so gantan var a rochet en pillou !

Pa ve eur vreg kes gouilloudet , divars e bugen kental ,
E c'houlen Mari estonet ; petra , nao mis so dija ?
Me gave din voa an eured d'al lun goude pardon Pôl .
Ha pask n'ê ket c'hoas erruet ; allon ! grêd o deus an tol
Eb n'o deveus va c'hemennet , an dra ze a gavan drol.

Pa gleô kloc'h Ilis ar barrous o c'hével d'eur vadiant
Mari gant eun troad eb botes , a erru arog ar chant ;
Mæs, dre valheur n'eus ket ezom demeus eur voues ken raouliet
Da zikour kana *Te Deum* evit an nêve gatet.
Gant e c'hommerzet e chom e kichen dor ar vêret.

En ty ar Goffic en Lannuon.